

# Turnfest DTV Aktive

Am 17./18. Juni hets disjähriige Turnfescht z Pieterle stattgfunge. Wäge Prüefige u Schwangerschaffe simmer dismau numme ds 6. gstartet. Drfür heimer aui bi jeder vo üsne drü Diszipline mitgmacht. Drbi simmer vor Tanja super ungerstützt worde 😊.

Ahgfange heimer mit dr Pändustaffete. Da's dr ganz Tag sunnig u heiss isch gsi, heimer scho vorem Ihsatz gschwitzt... Us zwöits heimer üs ad Wurfgschoss drahmacht. Üsi beschti het sogar fasch 30 Meter wit gworfe. Ir Pouse heimer üs mitere Glace enfrüschet u de Barreturmer:inne zuegluegt.

Am 6i am Abe heimer de no üsi letschti Disziplin dr Chorbbaufachtescht gmacht. Dert heimer üs im Verhältnis zu letscht Jahr starch verbesseret u es 7.49 gschafft.

Zum Usklang simmer ir Bar eis ga trinke, hei gmeinsam mit de angere Turner u Turnerinne vo Stude Pasta gässe u si de no zäme go feschte.

Am Sunnti heimer de no dr TV bir Seelandschaffete ahgführet. D Lea u d Ramona hei d Christine bim Fahnelouf begleitet. Bim Fahnerenne si sie trotz emne chline Sturz vor Fahne schnäu im Ziu gsi.

Merci viu mau üsne Leiterinne Mia, Ramona u Tanja.

Jenny Wüthrich

